

Inatsisartut aalajangiiffigisassaattut siunnersuutigineqarpoq Naalakkersuisut peqquneqassasut tunngaviusumik inatsisissamik piareersaasussanik ataatsimiititaliussasut.

(Inatsisartunut ilaasortaq Per Rosing-Petersen, Partii Naleraq)

aamma

Tunngaviusumik inatsisissamik piareersaanermi ataatsimiititaliamik pilersitsinissamik UKA2011 Inatsisartut isumaqatigiittut Naalakkersuisunut suliaqartussamut aallarnisaqqinneqarnissaanik nalunaarusiamillu suliaqarnerup naammassineqarnissaanik Naalakkersuisut suliaqartussamut inatsisartut aalajangiiffigisassaattut siunnersuut.

(Inatsisartunut ilaasortaq Aqqaluaq B. Egede, Inuit Ataqtigii)

aamma

Kalaallit Nunaata Tunngaviusumik Inatsisissaanik suliaqartussamik isumaliogatigiissitamik kingusinnerpaamik 2016-ip naalernerani Naalakkersuisut pilersitseqqullugit peqquneqarnissaanik Inatsisartut Aalajangiiffigisassaattut siunnersuut.

(Inatsisartunut ilaasortaq Jens Immanuelson, Siumut)

Akissuteqaat

(Naalakkersuisut Siulittaasuat)

Aappassaaneerpeqarnera

Naalakkersuisut sinnerlugit Inatsisinut Ataatsimiititaliaq aalajangiiffigisassaattut siunnersuutinik pingasunik taakkuninnga kiisalu Naalakkersuisut allannguutissatut siunnersuutaannik sukumiisumik suliarinninnerannut qutsavigaara.

Naalakkersuisut maluginiarpaat Inatsisinut Ataatsimiititaliap isumaqatigiittup, Naalakkersuisut allannguutissatut siunnersuutaat taperseraat. Naalakkersuisut soorunami ”Kalaallit Nunaata tunngaviusumik inatsisissaa pillugu Isumaliogatigiissitamik pilersitsinissamut nassuiaatip” inaarsarneqarneranik suliaqarnerminni, Inatsisinut Ataatsimiititaliap isumaliutissiisumminni inassuteqaatai, ilanngutissavaat.

Nassuiaat piffissamut killiliussap oqaatigineqartup iluani suliarineqassaaq, Kalaallit Nunaata tunngaviusumik inatsisissaa pillugu Isumaliogatigiissitamik pilersitsinissaq siunertaralugu, tamanna 2016-imi Inatsisartut ukiaanerani ataatsimiinneranni qulaajakkamik tunngaveqartumik pisinnaassalluni.

Naalakkersuisut aamma siunnersuuteqartut pingasut, Per Rosing-Petersen, Partii Naleraq, Aqqaluaq B. Egede, Inuit Ataqatigiit, aamma Jens Immanuelson, Siumut, Inatsisartunut taama pingaaruteqartigisumik oqaluuserisassanngortitsinerannut qutsavigaat.

Taamatut oqaaseqarlunga Inatsisinut Ataatsimiititaliap isumaliutissiissutaa Inatsisartuni kajumittumik suliarineqarnissaa qilanaaraara.